

TENDER SKA DOKUMENTACIJA /

KONKURENTSKI POSTUPAK ZA DOSTAVU /

PONU DA

IZVOĐENJE ELEKTROINSTALATERSKIH RADOVA
NA SANACIJI I UREĐENJU LIJEVOG KRILA
OBJEKTA U ZGRADI DRUŠTVA CRVENOG
KRSTA/KRIŽA BIH KRANJČEVIĆEVA 2 U
SARAJEVU

Decembar 2022.

DRUŠTVO CRVENOG KRSTA/KRIŽA BIH
Kranjčevićeva 2, Sarajevo

Broj: 05-06-296-2/22

Datum: 23.12.2022.

Predmet: KONKURENTSKI POSTUPAK ZA IZVOĐENJE RADOVA:

"Elektro radovi na sanaciji i uređenju lijevog krila objekta u zgradi Društva Crvenog krsta/križa BiH, Kranjčevićeva 2 u Sarajevu"

U ime Društva Crvenog krsta/križa BiH (u daljem tekstu: DCK BiH) pozivam Vas da dostavite ponudu u predmetnom konkurentskom postupku za nabavku elektro radova na obnovi lijevog krila objekta u zgradi Društva Crvenog krsta/križa BiH, Kranjčevićeva 2 u Sarajevu. Procedura nabavke će se obaviti u skladu sa Zakonom o javnim nabavkama Bosne i Hercegovine („Službeni glasnik BiH“ br. 39/14), podzakonskim aktima koji su doneseni u skladu sa Zakonom i ovom tenderskom dokumentacijom i i porceduraom za nabavke „Italian Red Cross“.

Predmet nabavke

1.1 Predmet nabavke je izvođenje elektro radova:

"Izvođenje elektro radova na sanaciji i uređenju lijevog krila objekta u zgradi Društva Crvenog krsta/križa BiH, Kranjčevićeva 2 u Sarajevu"

Nabavka je odobrena Odlukom o pokretanju i provođenju postupka nabavke putem konkurentskog postupka za dostavu ponude broj: 05-06-296-1/22 od 23.12.2022.

1.2 Podjela na lotove: NE

1.3 Procijenjena vrijednost radova sa PDV-a je cca **19.387,00 KM**

1.5 Rok izvršenja radova je 90 (devedeset) dana računajući od dana uvođenja u posao.

1.6 Mjesto izvođenja radova je na zgradi sjedišta DCK BiH u ulici Kranjčevićeva 2, u Sarajevu /

1.7 Predmjer radova je izradio ovlašteni inženjer prema projektnoj dokumentaciji izrađenoj u prethodnim fazama obnove projekta.

1.8 Kontakt osoba Dobavljača je Miljana Kovačević, administrativno tehnički sekretar, tel.

033/263-935, e-mail: miljana@rcsbh.org

Kontakt osoba za tehnička pitanja je Predrag Kožulj, dip.inž.građ., tel. 063/408-618, e-mail: predrag.kozulj@gmail.com.

2. Uslovi za učešće i potrebni dokazi

2.1 *Ponuđač je dužan u svrhu dokazivanja lične sposobnosti iz člana 45. Zakona o javnim nabavkama dokazati da:*

a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;

b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;

d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa Izjavu koja je sastavni dio tenderske dokumentacije. Izjava ne smije biti starija od 15 dana od predaje ponude. Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu. Ugovorni organ može od Ponuđača koji bude odabran kao najbolji u ovom postupku nabavke, prije potpisivanja ugovora, zatražiti da dostavi dokaze u svrhu dokazivanja činjenica potvrđenih u izjavi.

2.2 Pravo na obavljanje profesionalne djelatnosti i/ili da su registrirani u relevantnim profesionalnim ili trgovačkim registrima (Član 46. Zakona);

a) Ponuđač je dužan u svrhu dokazivanja sposobnosti obavljanja profesionalne djelatnosti, član 46. Zakona o javnim nabavkama, dostaviti Rješenje o upisu u sudski registar ili Aktuelni izvod iz sudskog registra iz kojeg se vidi da je ponuđač registrovan za obavljanje djelatnosti koja je predmet ove nabavke.

2.3 Tehnička i profesionalna sposobnost

U svrhu dokazivanja tehničke i profesionalne sposobnosti, ponuđač je dužan dostaviti spisak izvršenih Ugovora u skladu sa članom 48. stav (2) Zakona o javnim nabavkama, a koji su u vezi s predmetnom nabavkom, za period od posljednje tri godine ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od tri godine, koji sadrži najmanje jedan ugovor čija minimalna vrijednost treba biti u iznosu 50.000,00 KM bez PDV-a.

3. Zahtjevi po pitanju jezika

Ponuda, svi dokumenti i prepiska u vezi sa ponudom između dobavljača i ugovornog organa moraju biti napisani na jednom od službenih jezika u Bosni i Hercegovini. Prateća dokumentacija i štampana literatura koju dostavi dobavljač mogu biti napisani na drugom jeziku, u međunarodnoj upotrebi, pod uslovom da se uz njih dostavi zvaničan prijevod relevantnih dijelova na jeziku na kojem je napisana ponuda.

4. Priprema ponuda

4.1 Dobavljači snose sve troškove u vezi sa pripremom i dostavljanjem njihovih ponuda. Ugovorni organ nije odgovoran niti dužan snositi te troškove

4.2 Ponude se dostavljaju na sljedeću adresu: Društvo Crvenog krsta/križa BiH, Kranjčevićeva 2, Sarajevo, do **13.01.2023. godine u 10 sati**. Original i sve kopije ponude trebaju biti otkucani ili napisani neizbrisivom tintom. Svi listovi ponude moraju biti čvrsto uvezani, sa označenim stranicama. Svi listovi ponude trebaju biti parafirani ili potpisani od osobe, odnosno osoba koje su ovlaštene da zastupaju dobavljača. Sve dopune i izmjene ponude moraju biti čitljive i parafirane od ovlaštenih osoba. Osim toga, u slučaju da ponudu dostavlja grupa ponuđača, uz ponudu se mora dostaviti i punomoć kojom se navedene osobe ovlašćuju da predstavljaju grupu ponuđača u toku postupka nabavke (punomoć može također sadržavati i ovlaštenje za potpisivanje ugovora)

4.3 Dobavljač dostavlja ponudu u originalu i 1 (jednoj) kopiji, na kojima će jasno pisati: „ORIGINAL PONUDA” i „KOPIJA PONUDE”. Original ponude i kopija trebaju biti zapečaćeni u neprovidnoj koverti, sa pečatom ili potpisom dobavljača, imenom i adresom dobavljača, na kojoj će stajati: „Ponuda za izvođenje elektroinstalaterskih radova na sanaciji i uređenju lijevog krila objekta u zgradi Društva Crvenog krsta/križa BiH, Kranjčevićeva 2 u Sarajevu - ne otvarati”.

4.4. Dobavljači mogu izmijeniti ili povući svoje ponude pod uslovom da se izmjene ili povlačenje ponude dogodi prije isteka roka za dostavljanje ponuda. Ugovorni organ mora biti obaviješten u pisanoj formi i o izmjenama i o povlačenju ponude prije isteka roka za podnošenje ponuda. Izmjena ili povlačenje ponude mora biti izvršena u skladu sa tačkom 4.3. Osim toga, na koverti u kojoj se nalazi izjava dobavljača treba pisati sljedeće: „IZMJENE PONUDE” ili „POVLAČENJE PONUDE”.

5. Rok za dostavljanje ponuda

Rok za dostavljanje ponuda ističe **13.01.2023. godine u 10 sati**. Otvaranje ponuda obavit će se istoga dana u 10 i 30 sati u prostorijama DCK BiH, ul. Kranjčevićeva 2, Sarajevo.

6. Kriterij dodjele ugovora i cijena

Ugovor se dodjeljuje dobavljaču na osnovu kriterija najniže cijene tehnički zadovoljavajuće ponude. Dobavljači mogu ponuditi samo jednu cijenu i ne mogu je mijenjati. O cijeni se neće pregovarati.

U otvorenom postupku zahtjeva za dostavu ponuda, ugovorni organ će primijeniti preferencijalni tretman domaćeg, u skladu sa Odlukom Vijeća ministara Bosne i Hercegovine o obaveznom korištenju preferencijalnog tretmana domaćeg u postupcima javne nabavke. Ugovorni organ će navesti koju dokumentaciju zahtjeva kao dokaz za primjenu preferencijalnog tretmana.

7. Obavještenje o dodjeli

Dobavljači će biti obaviješteni o rezultatima postupka za dodjelu ugovora, u svakom slučaju, najkasnije u roku od 5 (pet) dana od dana donošenja odluke o izboru najpovoljnijeg dobavljača.

8. Informacije o zaštiti prava dobavljača

U slučaju da je ugovorni organ u toku postupka nabavke izvršio povredu odredbi Zakona ili podzakonskih akata, imate pravo uložiti prigovor ugovornom organu, u pismenoj formi, u roku od 5 (pet) dana od dana prijema obavijesti o rezultatima, odnosno od dana kada ste saznali za povredu, ali ne kasnije od 1 (jedne) godine od dana kada je navodna povreda učinjena.

Mr. Rajko Lazić,
Generalni sekretar



Pismo ponude

[pismo sa zaglavljem dobavljača]
[datum i broj ponude]

Naziv ugovora:

„Elektro radovi na sanaciji i uređenju lijevog krila objekta u zgradi Društva Crvenog krsta/križa
BiH, Kranjčevićeva 2 u Sarajevu“

Oznaka nabavke: _____

PRIMA: Društvo Crvenog krsta/križa BiH, Kranjčevićeva 2, Sarajevo

DOSTAVIO:

KONTAKT LICE:

Ime i prezime:

Adresa:

Telefon:

Faks:

E-mail:

IZJAVA DOBAVLJAČA

U odgovoru na vaš poziv dostavljamo ponudu za gore navedeni ugovor i izjavljujemo sljedeće:

1. Pregledali smo i prihvatamo u potpunosti odredbe tenderske dokumentacije u cjelosti, bez ikakvih rezervi i ograničenja. Nudimo izvođenje radova: "Elektroinstalaterski radovi na sanaciji i uređenju lijevog krila objekta u zgradi Društva Crvenog krsta/križa BiH , Kranjčevićeva 2 u Sarajevu" u skladu sa uslovima iz tenderske dokumentacije, kriterijima i utvrđenim rokovima, bez ikakvih rezervi ili ograničenja:

2. Ukupna cijena naše ponude sa PDV-om iznosiKM

(.....) [brojevima i slovima]
Ova ponuda važi 30 dana računajući od isteka roka za dostavljanje ponuda. /

3. U prilogu dostavljamo:

- a) Nacrt ugovora popunjen i parafiran od strane ovlaštenog lica
- b) Cijenu ponude
- c) Predračun radova sa popunjenim jediničnim cijenama

Potpis ovlaštenog lica:

Ime i funkcija potpisnika:

Naziv dobavljača:

(M.P.)

Adresa:

Identifikacioni broj:

Telefon:

Faks:

UGOVOR O IZVOĐENJU RADOVA –NACRT /

Za izvođenje radova:

„Elektroinstalaterski radovi na sanaciji i uređenju lijevog krila objekta u zgradi Društva Crvenog krsta/križa BiH, Kranjčevićeva 2 u Sarajevu“
sačinjen između strana:

- 1) Društva Crvenog krsta/križa BiH, ID broj **4200443490004**, Kranjčevićeva 2, Sarajevo
(u daljem tekstu: "Ugovorni organ"), i
- 2), ID broj:,
(u daljem tekstu: "Izvođač")

Ugovorni organ ovim Ugovorom angažuje Izvođača za izvođenje radova "Elektroinstalaterski radovi na sanaciji i uređenju lijevog krila objekta u zgradi Društva Crvenog krsta/križa BiH, Kranjčevićeva 2 u Sarajevu“, nakon što je Odlukom o dodjeli ugovora br. od godine prihvatio ponudu Izvođača, za planirani period okončanja radova od 90 (devedeset) dana od datuma početka radova.

Predmet i ponuda

Član 1.

Naručilac i Izvođač su se sporazumjeli da Izvođač, za potrebe Naručioca, izvrši "Elektroinstalaterske radove na sanaciji i uređenju lijevog krila objekta u zgradi Društva Crvenog krsta/križa BiH, Kranjčevićeva 2 u Sarajevu", u skladu sa ponudom Izvođača i predmjerom radova, odnosno tenderskom dokumentacijom koja je sastavni dio ovog ugovora, i uslovima ovog ugovora.

Vrijednost ugovora

Član 2.

Okvirna ugovorena vrijednost radova je _____
(slovima _____)

Cijena sadrži PDV i sve druge poreze i obaveze koje plaća izvođač radova.

Stvarna vrijednost izvedenih radova se utvrđuje na bazi ugovorenih fiksnih jediničnih cijena iz prihvaćene ponude i stvarno izvedenih količina prema potpisanoj građevinskoj knjizi. U slučaju odstupanja količina utvrđenih projektom dokumentacijom u odnosu na stvarno izvedeno stanje Izvođač je dužan postupati na način utvrđen članom 6. ovog ugovora.

Način plaćanja

Član 3.

Plačanje će se izvršiti na sledeći način:

- 30% ukupne vrijednosti radova izvršiće se avansna uplata, uz osiguranje mjenicom,
- Po privremenim mjesečnim situacijama uz sukcesivno odbijanje avansa,
- Okončanom situacijom nakon završetka svih radova, tj. nakon obavljene primopredaje.

Rok izvođenja radova

Član 4.

Rok završetka ugovorenih radova je 90 (devedeset) dana, počev od datuma uvođenja u posao.

Način obračuna izvedenih radova

Član 5.

Obračun izvedenih radova se vrši na osnovi jediničnih cijena i količina prema građevinskoj knjizi.

U slučaju da Naručilac osporava dio situacije, isti je dužan ovjeriti nesporni dio, a eventualnu razliku usaglasiti sa Izvođačem naknadno

Naknadni radovi, nepredviđeni radovi i višak radova

Član 6.

Ugovorena cijena ne obuhvata vrijednost naknadnih radova, nepredviđenih ili viška radova. Pod nepredviđenim, naknadnim radovima ili viškom radova se podrazumijevaju radovi koji nisu uključeni u ovaj ugovor, a koji su potrebni za nastavak radova i/ili su potrebni da bi osigurali pravilne rezultate u skladu sa predmetom ovog ugovora.

Izvođač je dužan obavijestiti Naručioca o eventualnim promijenjenim okolnostima, te obezbijediti prethodnu pismenu saglasnost Naručioca vezano za izvršenje bilo kakvih radova iz prethodnog stava.

Izvedeni radovi iz prethodnog stava bez prethodnog pismenog odobrenja Naručioca se neće platiti.

U slučaju potrebe za izvođenjem naknadnih i nepredviđenih radova ili viška radova, ugovorne strane će zaključiti aneks na ovaj ugovor kojim će regulisati predmet, cijenu i rok izvođenja svih radova koji nisu ugovoreni ovim ugovorom.

Upustva Izvođaču od strane trećih pravnih i fizičkih lica

Član 7.

Izvođač neće tražiti ni prihvatiti uputstva bilo kojeg pravnog ili fizičkog lica izvan Naručioca u vezi s izvođenjem poslova utvrđenih ovim ugovorom. Angažovanje podizvođača, od strane Izvođača, za potrebe realizacije ovog ugovora nije osnov za dodatna potraživanja prema ovom ugovoru.

Prava Naručioca – obaveze Izvođača

Član 8.

Osnovne obaveze Izvođača su:

1. da izvrši ugovorene radove stručno i kvalitetno prema važećim tehničkim propisima i normama u ugovorenom roku, u svemu prema Ponudi i Ugovoru,
2. da se pridržava mjera zaštite na radu, mjera protupožarne zaštite i drugih odredbi predviđenih Projektom i zakonom (Elaborat zaštite na radu; Elaborat protupožarne zaštite i drugo)
3. da sve projektom planirane intervencije na objektu, i ovom ugovoru se vrše u skladu sa mjerama zaštite utvrđenim Odlukom Komisije o proglašenju Zgrade Društva Crvenog krsta/križa BiH u Sarajevu nacionalnim spomenikom Bosne i Hercegovine („Službenom glasniku BiH“, broj 36/09),
4. da osigura sve dodatne neophodne dozvole za rad (dozvola zaustavljanja saobraćaja prilikom izvođenja radova na zgradi – ako se ranije ne osigura, i drugo),

5. da uredno vodi izvođačku dokumentaciju o izvedenim radovima,
6. da po završetku radova Naručiocu dostavi završni izvještaj o izvedenim radovima,
7. da otkloni ili nadoknadi nastalu štetu na spomeniku, ili drugoj imovini ukoliko je ista nastala prilikom izvođenja radova koji su predmet ovog ugovora,
8. da osigura sve potrebne uslove da ne dođe do nezgoda ili povreda na radu. U slučaju bilo kakve nezgode Naručilac ne snosi bilo kakvu odgovornost,

Nadzorni organ Naručioca

Član 9.

Naručilac radova određuje svog nadzornog organa o čemu pismeno obavještava Izvođača radova. Nadzorni organ dužan je da redovno ovjerava-potpisuje građevinski dnevnik i građevinsku knjigu.

Raskid ugovora

Član 10.

Naručilac ima pravo da raskine ovaj ugovor ukoliko Izvođač ne izvrši ugovorene radove prema pravilima struke ili u slučaju da Izvođač ne poštuje dogovoreni obim posla i rokove, uz isplatu naknade za ugovorene radove koji su izvršeni do raskida ugovora. Izvođač radova može raskinuti ugovor samo ukoliko nije naplatio izvedene radove u propisanom roku.

Ugovorna kazna za neblagovremeno izvršenje ugovora

Član 11.

U slučaju prekoračenja roka za dovršenje izgradnje i primopredaju građevine iz ovog Ugovora Naručiocu, Izvođač se obavezuje platiti Naručiocu ugovornu kaznu u visini 0,03% od ukupne vrijednosti ugovorenih poslova za svaki kalendarski dan prekoračenja roka iz člana 4. stav 1. ovog ugovora. Ukupni iznos ugovorne kazne ne može biti veći od 5%, ukupno ugovorene vrijednosti radova.

Završne odredbe

Član 12.

U svemu ostalom što nije regulisano odredbom ovog ugovora primjenjivat će se odredbe Zakona o obligacionim odnosima i posebne uzanse o građenju.

Član 13.

Ugovorne strane su saglasne da će eventualni spor iz ovog ugovora rješavati sporazumno. Ako u tome ne uspiju, spor će rješavati Sud BiH.

Član 14.

Ovaj ugovor sastavljen je u četiri istovjetna primjerka, po dva za svaku ugovornu stranu.

**IZVOĐAČ /
CONTRACTOR**

**NARUČILAC /
CUSTOMER**

.....

Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama BiH („Službeni glasnik BiH“, broj: 39/14)

Ja, niže potpisani _____ (Ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (Navesti položaj, naziv privrednog društva ili obrta ili srodne djelatnosti), ID broj: _____, čije sjedište se nalazi u _____ (Grad/općina), na adresi _____ (Ulica i broj), kao kandidat/ponuđač u postupku nabavke usluge: **"Elektro radovi na sanaciji i uređenju lijevog krila objekta u zgradi Društva Crvenog krsta/križa BiH, Kranjčevićeva 2 u Sarajevu"**, a kojeg provodi ugovorni organ Društvo Crvenog krsta/križa BiH, a u skladu sa članom 45. stavovima (1) i (4) **pod punom materijalnom i kaznenom odgovornošću**

IZJAVLJUJEM

Kandidat/ponuđač _____ u navedenom postupku javne nabavke, kojeg predstavljam, nije:

- a) Pravosnažnom sudskom presudom u kaznenom postupku osuđen za kaznena djela organiziranog kriminala, korupcije, prevare ili pranja novca u skladu s važećim propisima u BiH ili zemlji u kojoj je registriran;
- b) Pod stečajem ili je predmetom stečajnog postupka ili je pak predmetom postupka likvidacije;
- c) Propustio ispuniti obaveze u vezi s plaćanjem penzionog i invalidskog osiguranja i zdravstvenog osiguranja u skladu s važećim propisima u BiH ili zemlji u kojoj je registriran;
- d) Propustio ispuniti obaveze u vezi s plaćanjem direktnih i indirektnih poreza u skladu s važećim propisima u BiH ili zemlji u kojoj je registrovan / Failed to fulfill obligations related to the payment of direct and indirect taxes in accordance with the applicable regulations in BiH or the country in which it is registered.

U navedenom smislu sam upoznat sa obavezom kandidata/ponuđača da u slučaju dodjele ugovora dostavi dokumente iz člana 45. stav (2) tačke od a) do d) na zahtjev ugovornog organa i u roku kojeg odredi ugovorni organ shodno članu 72. stav (3) tačka a).

Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno Kaznenim zakonima u BiH, te da davanje netačnih podataka u dokumentima kojima se dokazuje lična sposobnost iz člana 45. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača.

Također izjavljujem da sam svjestan da ugovorni organ koji provodi navedeni postupak javne nabavke shodno članu 45. stav (6) Zakona o javnim nabavkama BiH u slučaju sumnje u tačnost podataka datih putem ove izjave zadržava pravo provjere tačnosti iznesenih informacija kod nadležnih organa.

Izjavu dao:

Mjesto i datum davanja izjave:

Potpis i pečat nadležnog organa:

M.P.

IZJAVA IZ ČLANA 52. ZAKONA O JAVNIM NABAVKAMA

Ja, niže potpisani _____ (Ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (Navesti položaj, naziv privrednog društva ili obrta ili srodne djelatnosti), ID broj: _____, čije sjedište se nalazi u _____ (grad, opština) na adresi _____ (ulica i broj) kao ponuđač u postupku nabavke usluge: **"Elektro radovi na sanaciji i uređenju lijevog krila objekta u zgradi Društva Crvenog krsta/križa BiH, Kranjčevićeva 2 u Sarajevu"** – konkurentski zahtjev - a kojeg provodi ugovorni organ Društvo Crvenog krsta/križa BiH, a u skladu sa članom 52. stav (2) Zakona o javnim nabavkama pod **punom materijalnom i kaznenom odgovornošću**

IZJAVLJUJEM

1. Nisam ponudio mito ni jednom licu uključenom u process javne nabavke, u bilo kojoj fazi procesa javne nabavke.
2. Nisam dao, niti obećao dar, ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koje ne bi trebalo da izvrši, ili se suzdržava od vršenja djela koje treba izvršiti on, ili neko ko posreduje pri takvom podmićivanju službenog ili odgovornog lica.
3. Nisam dao, niti obećao dar, ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju da obavi u okviru svoje službene ovlasti, radnje koje bi trebalo da obavlja, ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju u javnim nabavkama.
5. Nisam sudjelovao u bilo kakvoj radnji koja je za cilj imala korupciju u toku predmeta postupka javne nabavke.

Davanjem ove izjave, svjestan sam kaznene odgovornosti predviđene za kaznena djela primanja i davanja mita i kaznena djela protiv službene i druge odgovornosti i dužnosti utvrđene u Kaznenim zakonima Bosne i Hercegovine.

Izjavu dao

Mjesto i datum davanja izjave:

Obrazac za cijenu ponude /
Rekapitulacija iz predmjera i predračuna radova

Naziv ugovora:

„Elektro radovi na sanaciji i uređenju lijevog krila objekta u zgradi Društva Crvenog krsta/križa
BiH, Kranjčevićeva 2 u Sarajevu“

Naziv dobavljača: _____

Ponuda broj: _____

REKAPITULACIJA:	
A.	RAZVODNE TABLE I NAPOJNI KABLOVI
B.	INSTALACIJA RASVJETE
C.	INSTALACIONI MATERIJAL
D.	KABLOVSKI RAZVOD
E.	KOMUNIKACIONA MREŽA
F.	PROTUPROVALA I VATRODOJAVA
G.	VIDEO INTERFON
H.	EVIDENCIJA RADNOG VREMENA I KONTROLA PRISTUPA
I.	ISPITIVANJE INSTALACIJA
J.	PROJEKTNJA DOKUMENTACIJA
Ukupna cijena bez PDV-a	
PDV 17%	
Ukupna cijena sa PDV-om	

Potpis ovlaštene osobe:

.....

Napomena:

Za predračun radova koji je sastavni dio ponude vrijedi:

1. Cijene moraju biti izražene u KM. Za svaku stavku u ponudi se mora navesti cijena.
2. Jedinične cijene u ponudi se navode bez PDV-a , a PDV se obračunava u rekapitulaciji i iskazuje u ovom obrascu. Ukupna cijena sadrži sve naknade koje ugovorni organ treba platiti dobavljaču. Ugovorni organ ne smije imati nikakve dodatne troškove osim onih koji su navedeni u ovom obrascu.
3. U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama.
4. Jedinična cijena stavke se ne smatra računskom greškom, odnosno, ne može se ispravljati /.

PREDRAČUN RADOVA – prilog PDF forma